

## **Swati - Nenkhanuko imiBhalo - Lust Scriptures**

**Eksodusi 15:9** “Sitsa satsi: ‘Ngitawubacosha ngize ngibakhandze. Ngitawutehlukanisela ngaloko lengikudle kubo, ngititike ngako; ngitawukhipha inkemba yami ngibabhubhise.’

**Eksodusi 18:21** Ngetulu kwaloko khetsa emadvodza lafanele, naletsembekile, lesaba Nkulunkulu, nalengatsengeki, uwabeke abe baholi: betinkhulungwane, nebemakhulu, nebema-50, nebemashumi.

**Eksodusi 20:14,17** Ungaphingi. 17 “Ungayihawukeli indlu yamakhelwane wakho. “Ungamhawukeli nemkakhe, nesisebenti sakhe lesidvuna nome lesistikati, netinkhomo takhe, netimbongolo takhe, nome yini lanayo.”

**Numeri 11:4** Kukhona bantfu betive lababesemkhatsini wema-Israyeli, lababekhala ngekukhanuka inyama. Nawo ema-Israyeli akhala, atsi: “Ngubani lotasipha inyama sitekudla?

**Dutheronomi 5:21** “ ‘Ungamkhanuki umfati wamakhelwane wakho. Ungayihawukeli ngisho nendlu yamakhelwane wakho, nemhlaba wakhe, nesisebenti sakhe lesidvuna nome lesistikati, nenhabi yakhe, nembongolo yakhe, nome ngabe seyini-ke yamakhelwane wakho.’

**Dutheronomi 12:20** “Nangabe Simakadze Nkulunkulu wenu asalandzisile lelive lenu, njengobe anetsembisa lona, bese nikhanuka inyama nitsi: ‘Ngikhanuka inyama,’ niyakuyidla niyesutse njenekutsandza kwenu.

**Dutheronomi 22:22** “Nangabe indvodza itfolakala ilele nemfati walenyne indvodza, bobabili bayawubulawa, lendvodza nalomfati. Niyawukukhipha kanjalo-ke lokubi lokumila emkhatsini wesive saka-Israyeli.

**Joshuwa 7:21** Ngatsi nangibuka imphango, ngabona ingubo lenhle yaseBhabbulona, kanye netinhlavu tesiliva letingemakhilogremu langaba mabili, nelucetu Iwegolide lolungaba yincenyе yekhilogremu, lengakuhawukela, ngase ngiyakutsatsa. Tonkhe letintfo ngitimbele phansi ngekhatsi ethendeni lami, lesiliva yona ingaphansi kwato.”

**Tihlabelelo 10:3** Lomubi utigabatisa ngetinkhanuko takhe; uyamtusa lohlazisako, yebo, lomubi wedzelela Nkulunkulu.

**Tihlabelelo 78:18** Nkulunkulu bamlinga etinhliityweni tabo ngekumfuna kudla lababekufisa.

**Tihlabelelo 78:30** Kodvwa kwatsi basengakeneliseki ebudlini babo, kudla kusagcwele imilomo yabo,

**Tihlabelelo 81:12** Ngako-ke ngabayekelala enkhanini yetinhliyo tabo, kuze batihambele ngekutsandza kwabo.

**Tihlabelelo 106:14** Bahamba bashangashanga ehlane, bamlinga Nkulunkulu kalashameshame.

**Tihlabelelo 119:36** Condzisa inhlitiyo yami ekutfobeleni timiso takho, ingalitjatiswa yingcebo.

**Taga 1:19 Tinjalo tindlela talabo labatfola ingcebo ngebugelekece; timphilo tabo titsatfwa bugelekece babo.**

**Taga 6:25 Ungacali kumkhanukela buhle bakhe enhlitiyweni yakho, nome-ke akutfumbe ngemashiya akhe.**

**Taga 15:27 Umuntfu lofunu inzuzo ngendlela lembi uletsa kuhlupheka ekhaya lakhe; kodvwa umuntfu lotondza kudizelwa uyawuphila.**

**Taga 21:25,26 Livila litsandza kuhlala nje, ngiko loko lokuyawubanga kufa kwalo, ngobe alisebenti. 26 Sonkhe sikhatsi liticabangela Iona; kodvwa umuntfu lolungile akaticabangeli yena yedvwa, uyephana.**

**Taga 28:16 Umbusi lobusa ngencindzetelo usilima; kodvwa lotondza kutsengeka uyawuphila sikhatsi lesidze.**

**Isaya 56:11 Batinja letitsandza kakhulu kudla, abesutsi. Babelusi labangenakucondza, bonkhe bajikela etindleleni tabo, ngulowo nalowo bese utifunela kwakhe.**

**Isaya 57:17 Bengitfukutseliswe ngulesono sakhe sekuba bukhali, ngase niyiaymejisa, ngabufihla buso bami ngenca yekutfukutsela, noko wachubeka nekuhlubuka kwenhlitiyo yakhe, ahamba ngendlela yakhe.**

**Jeremiya 6:13 "Kusukela kulomncane kakhulu kuye kulomkhulu kakhulu, bonkhe babogubhela kwesabo; baphrofethi nebaphristi bayafanana, bonkhe bayayengana.**

**Jeremiya 22:17 "Kodvwa emehlo akho nenhlitiyo yakho uwabeke enzuzweni lembi, ekucitseni ingati yalongenacala, yebo, nasencindzetelweni nasekudizeni."**

**Jeremiya 51:13 Wena lohlala ngasemantini lamanyenti futsi ionjingile ngemcebo, siphetfo sakho sesifikile, sikhatsi sakho sekutsi uncanyulwe."**

**Hezekeli 6:9 Kuyawutsi-ke etiveni lapho bebatfunjelwe khona, labo labaphunyulile bangikhumbule, kutsi ngeva buhlungu kanjani ngalokungihlubuka kwabo ngetinhlitiyo tabo, bakhonta labanye bonkulunkulu, besuka kimi, ngeva buhlungu nangemehlo abo labukeka akhanuka tithico tabo. Bayawutenyanya kwabona ngalobubi labayawube babentile, nangato tonkhe tintfo tabo letinengekako labatentako.**

**Hezekeli 14:4,5 "Ngako-ke khuluma kuwo uwatjele, utsi: 'Naku lokushiwo yiNkhosi Simakadze, itsi: Nome ngabe ngumuphi kuma-Israyeli lofaka tithico enhlitiyweni yakhe, emise nelitje lelibi lekukhubekisa embikwebuso bakhe, bese uya kumphrofethi, mine Simakadze niyakumphendvula mine cobo Iwami ngangekwebukhulu bekukhonta kwakhe tithico. 5 Loko niyawukwenta kuze ngitetibamba kabusha tinhlitiyo tebantfu baka-Israyeli, lase bangilahle bonkhe baya etithicweni tabo.'**

**Hezekeli 22:12 Kuwe kunemadvodza lemukela imidizo entele kucitsa ingati; utsatsa intalo ugale inzuzo lenkhulu, wente intalo yebutulujane kumakhelwane wakho ngekumcindzetela. Sewungikhohliwe mine, kusho**

**iNkhosi Simakadze.**

**Hezekeli 33:31** **Bantfu bami beta kuwe, njengobe bavame kwenta, bahlale embikwakho balalele emavi akho, kodvwa abawenti. Ngemilomo yabo bakhuluma kutsi batinikele, kodvwa tinhlitiyo tabo tibukhali, tifuna inzuzo lembi.**

**Hoseya 4:12** **Indlela bayibuta etithicweni tetigodvo, baphendvulwe yindvuku yelugodvo. Umoya webugwadla uyabedukisa; abaketsembeki kuNkulunkulu wabo.**

**Hoseya 5:4** “**Tento tabo atibavumeli kutsi babuyelete kuNkulunkulu wabo. Umoya webugwadla usetinhlitiyweni tabo, abamhloniphi Simakadze.**

**Mikha 2:2** **Nabafuna emasimi, bavele bawatsatse ngendlovuyangena; nabafuna tindlu, bavele batidle. Kute namunye lonemndeni lovikelekile, nome lonelutfo loluphephile.**

**Nahume 3:4** **Konkhe loku kuye ngebunyenti benkhanuko yengwadla lebukekako, umhhunguli wabo bonkhe butsi, ingwababane leyagcilata tive ngebugwadla bayo netive tonkhe ngebutsi bayo.**

**Habakhuki 2:9** “**Maye kulowo lowakha likhaya lakhe ngenzozo lengakalungi, atakhele sidleke sakhe etulu ekuphakameni, kuze atewuphunyula etidladieni tembhubbiso.**

**Matewu 5:28** **Kepha mine ngitsi kini: Ngulowo nalowo lobuka lomsikati, bese uyamkhanuka, sewuphinge naye enhlitiyweni yakhe.**

**Makho 4:19** **kepha kunaka tintfo tasemhlabeni nekujabulela umcebo, nekukhangwa nguletinye tintfo letinyenti kubangene, kuliminyetele livi, bangabe basatsela titselo.**

**Makho 7:22** **nekuphinga, nekukhanuka, nekukhohlakala, nekuyengana, nemayala, nemona, nekunyundza, nekutigcabha, nebulima.**

**Lukha 3:14** **Emabutfo nawo ambuta atsi: “Tsine-ke? Sifanele sente njani?” Watsi-ke yena kubo: “Ningemuki muntfu imali yakhe ngemacebo, yeneliswani ngumholo wenu.”**

**Lukha 12:15** **Watsi kubo: “Capheiani, nikubalekele konkhe kufisa lokubi; ngobe imphilo yemuntfu ayinconotiswa bunjinga bakhe.”**

**Lukha 16:14** **BaFarisi nabakuva loku, bamphukuta Jesu, ngobe phela babeyitsandza imali.**

**Johane 8:44** **Nine nibeyihlo Sathane. Nitsandza kwenta tinkhanuko teiyhlo. Yena abevele angumbulali webantfu kusukela ekucaleni, akemi ecinisweni, ngobe liciniso kute kuye. Nakakhuluma emanga, ukhuluma intfo yakhe, ngobe ungumcambimanga neyise wawo onkhe emanga.**

**Imisebenti yeba Phostoli 20:33** “**Angizange ngifise isiliva negolide nome imphahla yemuntfu.**

**KubaseRoma 1:24-29** **Ngako-ke Nkulunkulu ubayekelele etinkhanukweni tetinhlitiyo tabo, emanyaleni nasekungcolisaneni imitimba yabo. 25 Baguculele liciniso laNkulunkulu balenta emanga; bakhonta, badvumisa**

indalo kunekukhonta nekudvumisa uMdali lokunguyena abongeka kuze kube phakadze. Amen. 26 Ngako-ke Nkulunkulu ubayekelele etinkhanukweni letilihlazo. Labasikati bakhona bagucule imvelo lengabe bayenta kulabadvuna, kodvwa bagucuke balalana bodvwana, benta labebangakadalelw a kona. 27 Kanjalo nemadvodza ayekele kulalana nalabasikati, kodvwa adliwa yinkhanuko ase alalana odvwana; ngako atfola sijeziso lesifanele kona kwawo. 28 Njengobe abafunanga kumati Nkulunkulu, ngako wababukelela, tingcondvo tabo taba butsakatsaka, netimilo tabo tonakala. 29 Bagcwele tonkhe tinhlobo tebubi: kona, nekuhawukela, nekuzindlelekela; bagcwele umona, nekubulala, nekulwa, nemacebo, nebucili, nenhlebo.

**KubaseRoma 6:12** Ngako-ke ningasivumeli sono kutsi siphindze siyibuse lemitimba yenu lebhubbako. Ningabobe nisatilandzela ngisho netinkhanuko temitimba yenu.

**KubaseRoma 7:7** Pho, siyawutsini-ke? Sitakutsi umtsetfo usono? Cha, awusiso. Kodvwa-ke sono ngabe angizange ngisati kutsi siyini kube akufikanga umtsetfo. Ngabe angizange sengati nekutsi kuyini kona kufisa kube umtsetfo awuzange usho kutsi: “Ungafisi.”

**KubaseRoma 13:9,14** Lemiyalo lets: “Ungaphingi, ungabulali, ungebi, ungafisi,” nome sengumuphi-ke lomunye umyalo, yonkhe imiyalo ihlanganiswe kulomusho munye lotsi: “Tsandza makhelwane wakho, njengobe utitsandza wena.” 14 kodvwa yembatsani iNkhosi Jesu Khristu ninganakekeli kutsi lesimo senu semtimba lesionakele ningasenelisa kanjani ngetinkhanuko taso.

**1 KubaseKorinthe 5:10,11** Angisho bona bantfu labangakholwa labatingwadla netiphingi, nome lababukhali, nebaphangi, nome labakhonta tithico. Loko bekungasho kutsi kufanele nisuke ningabikho emhlabeni. 11 Kepha manje nginibhalele ngatsi ningahlanganyeli nemuntfu lekutsiwa ungumzalwane kantsi uyingwadla, nome siphingi, nome ngulobukhali, nome ngulokhonta tithico, nome ngulowetfukanako, nome sidzakwa, nome sigebengu; ningete nadla ngisho nekudla nemuntfu lonjalo.

**1 KubaseKorinthe 6:9,10** Anati yini kutsi labangakalungi abayikulidla lifa lembuso waNkulunkulu? Ningayengeki: Tingwadla, nalabakhonta tithico, netiphingi, nalabadvuna labalalanako, 10 nemasela, nalababukhali, netidzakwa, nalabetfukako, netigebengu, bangeke balidle lifa lembuso waNkulunkulu.

**1 KubaseKorinthe 10:6** Konkhe loko kusibonelo kitsi, kuze kutsi singakufisi lokubi, njengaloko bona bebakufisa.

**1 KubaseKorinthe 12:31** Kepha langatelelani tiphiwo letimcoka.

**Ngisetawunikhombisa futsi indlela lekungiyona iyinhle kakhulu.**

**1 KubaseKorinthe 14:39** Ngako-ke, bazalwane bami, khutsalelani kuphrofetha; kodvwa ningakuvimbeli kukhuluma ngetilimi.

**2 KubaseKorinthe 9:5 Ngiko nje ngibone kufanele kutsi ngicele labazalwane bahambe embili bete lapho kini, batewulungisa lesipho lenisetsembisile, kuze kutsi sihlale sesilungile, hhayi ngekuphocelelwa, kodvwa ngesihle.**

**KubaseGalathiya 5:16-20** Kodvwa ngitsi: Hambani ngaMoya, khona ningetiwufeza tinkhanuko tenyama. 17 Ngobe inyama ikhanuka lokuphambene naMoya, naMoya, uphambene nenyama, ngobe kokubili kuyaphikisana, kuze ningetikwenta lenikutsandzako. 18 Kodvwa naniholwa nguMoya, anikho ngaphansi kwemtsetfo. 19 Phela imisebenti yenyama isebalen, ngulena: bugwadla, nebuphingi, nekungcola, nemanyala, 20 nekukhonta tithico, nekutsakatsa, nebutsa, nenkhani, nemona, nelulaka, nekubanga, nekwehlukana, nekuhlubuka,

**KubaseGalathiya 5:24 BaKhristu Jesu bayibetsele esiphambanweni inyama nekushangashanga kwayo kanye netinkhanuko tayo.**

**Kubase-Efesu 2:1-3** Univusile nani lebenifile ngenca yetiphambuko netono tenu, 2 lebenikadze nihamba kuto ngekwendlela yalomhlaba, ngekwembusi wemandla emkhatsi, umoya losasebenta kubantu labangalaleli Nkulunkulu. 3 Empeleni sonkhe sasinjengabo, sasiphila ngetinkhanuko tenyama yetfu, senta intsandvo yenyama neyengcondvo yetfu. Ngekwemvelo yetfu sasifanelwe lulaka IwaNkulunkulu njengabo bonkhe bantfu.

**Kubase-Efesu 4:19** Batsi kantsi babutfunfu, batinikela emanyalen, basebenta kungcola konkhe ngekuhungeka.

**Kubase-Efesu 4:22-27** Khumulani umuntfu lomdzala wesimilo sakucala, lose onakala ngetinkhanuko tenkhohliso, 23 nentiwe nibe basha emoyeni nasengcondwensi yenu. 24 Yembatsani umuntfu lomusha, lowadalwa wafuta Nkulunkulu ngekulunga nangebungcwele beliciniso. 25 Ngako-ke lahlani emanga, akube ngulowo nalowo akhulume liciniso kumzalwane wakhe, ngobe sonkhe singemalunga lomunye kulomunye emtimbeni munye. 26 Tfukutselani, kodvwa ningoni; lilanga lingashoni solomane nitfukutsele. 27 Ningamniki Sathane litfuba.

**Kubase-Efesu 5:3,5** Kepha bugwadla nebuphingi, nako konkhe kungcola, nome kungeneliswa, kungaphatfwa ngisho nangeligama emkhatsini wenu, njengobe labangcwele bafanele kwenta. 5 Nifanele nati, futsi niconde kahle, kutsi kute umuntfu loyingwadla nome losiphingi nome longcolile, nalobukhali, lokusho kutsi ukhonta tithico, longabuye abe nelifa embusweni waKhristu naNkulunkulu.

**KubaseKholose 3:5** Ngaloko-ke bulalani tonkhe tinkhanuko tenu talapha emhabeni: bugwadla, nebuphingi, nekungcola, nekuhungeka, nekukhanuka lokubi, nebukhali lobukukhonta tithico.

**1 KubaseThesalonika 2:5** Tsine asizange sikhulume emagama ekuyenga, njengobe nani nati, asizange futsi sibe nebucili bekufisa bunjinga, Nkulunkulu ungfakazi.

- 1 KubaseThesalonika 4:3-7** Kuyintsandvo yaNkulunkulu kungcwelisa kwenu, bubalekeleni bugwadla nebuphingi. 4 Ngamunye ngamunye wenu kufanele akwati kutiphatsela yena umtimba wakhe, awuphatse ngebungcwele nangekuhlonipheka; 5 hhayi ngekushisekela kwenkhanuko njengemahedeni langamati Nkulunkulu. 6 Akubete lowonako aphambe umzalwane wakhe nome ngani, ngobe Nkulunkulu ungumphindziseli kuto tonke letintfo, njengobe saniyalisisa nje. 7 Nkulunkulu akasibitelanga ebugwadleni nasebuphingini, kepha wasibitela ebungcweleni.
- 1 KuThimothi 3:3,8** lengesiso sidzakwa, lengatitsatseli etulu tintfo, kodvwa lemnene, lengenalo luchweba, lengayitsandzi imali. 8 Ngalokufananako futsi nebadikhoni kufanele bazitse, bangabi nalo lulwimi lolumphacambili; bangabi tigcili talokudzakisanako, bangahaheli inzuzo lembi.
- 1 KuThimothi 6:9,10** Kodvwa labo labafisa bunjinga bawela ekulingweni, naselugibeni, nasetinkhanukweni letinyenti tebulima, naletiyingtoni letigcumukisela bantfu ekufeni nasekubhujisweni. 10 Phela kutsandza imali kuyimphandze yako konkhe lokubi; labanye-ke ngekuyifisa kwabo bedukile, bakhwesha ekukholweni, batigwaza ngeminjunju yebuhlungu leminyenti.
- 2 KuThimothi 2:22** Ngako-ke balekela tinkhanuko tebusha, kodvwa hambisana nalabo labakhuleka eNkhosini ngenhlitiyo lehlambululekile, ujunge kulunga, nekukholwa, nelutsandvo, nekuthula.
- 2 KuThimothi 3:2,6** Bantfu bayawutitsandza, batsandze imali, batigcabhe, batigabatise, balulate Nkulunkulu ngenhlamba. Bayawuba ngulabangalaleli batali babo, bangabongi, babete bungcwele, 6 Ngobe emkhatsini wabo laba kukhona labakhokhobela kungena etindlini talabasikati lababutsakatsaka ngekusindvwa tono tabo, baholwa tinkhanuko letimihibahiba.
- 2 KuThimothi 4:3** Ngobe siyeta sikhatsi lapho bangeyiwyemukela imfundziso lephilile; kodvwa ngekwenkhanuko yabo bayawutibutsela bafundzisi babo, bafundziswe loko labatsandza kufundziswa kona.
- KuThithusi 2:12** Lomusa usifundzisa kutsi sikudzele kungakholwa, nekutsi sitilumule etinkhanukweni telive, bese siphila ngekuzitsa, nangekulunga, nangekumesaba Nkulunkulu kulomhlaba,
- KuThithusi 3:3** Ngobe natsi matfupha sake saba tilima, singalaleli, sidukiswa, sitigcili tato tonke tinkhanuko nekutamasa. Besiphila ebubini nasemoneni, sitondzekile, sitondzana.
- KumaHebheru 13:5** Balekelani kutsandza imali, neneliswe nguloko leninako, ngobe Nkulunkulu watsi: “Ngingeke ngikuyekele, ngingeke ngikushiye.”
- YaJakobe 1:14,15** Kepha ngulowo nalowo ulingwa ahuhwe tinkhanuko takhe, adudeke. 15 Nangabe inkhanuko seyitsatsile, itala sono; sono nase siphelele, sitala kufa.
- YaJakobe 4:1-5** Letimphi nalokulwa kuphumaphi emkhatsini wenu?

**Akuchamuki yini etinkhanukweni tenu letilwa etitfweni tenu? 2 Niyafisa, noko anitfoli lutf; niyabulala, nibe nemona, kodvwa niyehluleka kutfola lenikufunako. Niyalwa, nente timphi. Aninalutfo, ngobe aniceli. 3 Niyacela ningaphiwa, ngobe nicela kabi, nicelela kutsi nikucitse etinkhanukweni tenu. 4 Aniketsembeki, ninjengetiphingi. Anati yini kutsi kutsandzana nelive kubutsa kuNkulunkulu? Lofisa kuba ngumngani walive, utenta sitsa kuNkulunkulu. 5 Nome-ke nicabanga kutsi kulite yini loku lokushiwo ngumBhalo, kutsi: “LoMoya, lambeka kitsi Nkulunkulu uyafutselana, kantsi futsi unesikhwele ngatsi”?**

- 1 YaPhetro 1:14 Lalelani Nkulunkulu njengebantfwana bakhe, ningabuswa tinkhanuko tenu letatinibusa nisengakati lutf ngekukholwa nguJesu Khristu.**
- 1 YaPhetro 2:11 Batsandzekako, ngiyanincenga, njengobe nitihambi nalabendlulako kulomhlabo, kutsi nitikhweshele tinkhanuko tenyama letilwa nemphefumulo.**
- 1 YaPhetro 4:2-4 Ngako ngesikhatsi nisesemhlaben, ningabe nisaphila ngetinkhanuko talelive, kodvwa ngentsandvo yaNkulunkulu. 3 Ngobe lesikhatsi lesendlulile besenele kutsi nente lokutsandvwa ngemahedeni ngekuphila ngemanyala, nangetinkhanuko, nangekudzakwa, nangekumita, nangemsindvo, nangekukhonta tithico lokungakavumeleki. 4 Ayamangala kutsi anisahambisani ngani nawo kulomsindvo wekutiphatsa kabi, ayanetfuka.**
- 2 YaPhetro 1:4 Ngaleylo ndlela siphewe tetsembiso letiligugu naletikhulukati, kuze kutsi ngato nibe nenhanganyelo nesimo sebuNkulunkulu, niphunyule ekubhujisweni kwelive lese lokheleke etinkhanukweni.**
- 2 YaPhetro 2:3 Ngenca yebudli babo bayawutsengiselana ngani ngemavi ebucili. Kusukela emandvulweni kulahlwa kwabo akulibali, nekubhujiswa kwabo akweteli.**
- 2 YaPhetro 2:9-19 INkhosi iyakwati kubakhulula ekulingweni labo labesaba Nkulunkulu; kodvwa labangakalungi ibagcinela kujeziswa ngelilanga lekwehlulelw, 10 ikakhulu labo labahamba etinkhanukweni temvelo tekutingcolisa, bedzelela baphatsi. Bangemaphikankhani, bayatigcabha, abesabi nekuhlambalata benkhatimulo; 11 kantsi ngisho netingilos, letinkhulu kakulu kunabo ngebuchawe nangemandla, atibahlambalati labo bantfu ngekubamangalela embikweNkhosi. 12 Kodvwa labantfu labahlambalatako banjengetilwane tesiganga letingenangcondvo, ngekwemvelo titalelw kubanjwa nekubulawa. Bahlambalata ngetintfo labangatati; kodvwa batawubhujiswa kanye naleto tilwane. 13 Bayakwemukeliswa buhlungu, ngobe nabo bevisa buhlungu. Kujabula kwabo kumita nekutamasa, ngisho nasemini imbala. Yebo, balihlazo nendlisamahloni nase bahlanganyela nani edzilini ngaso sonkhe sikhatsi, batijabulisa ngetinkhanuko tabo. 14 Emehlo abo agcwele buphingi,**

**anamatsele esonweni; baholela labo lababutsakatsaka elugibeni; tinhlitiyo tabo tetayele bukhali. Bangaphansi kwsicalekiso. 15 Bashiye indlela lecondzile bedukela endleleni yaBhalamu, umsa waBheyori, lowatsandza umvuzo lomubi. 16 Kodvwa wekhutwa ngaloko kona kwakhe: Imbongolo lesimungulu yakhulumu ngelivi lemuntfu, yakuvimbela loko kuhlanya kwalowo mphrofethi. 17 Labo bantfu bayimitfombo lete emanti, batinkhunu letichutjwa sivunguvungu; bagcinelwe bunyama bebumnyama. 18 Bakhulumu emagama lalite, bayenge ngetinkhanuko nangemanyala labo labasandza kuphunyula kulabedukako. 19 Babetsembisa inkhululeko, kantsi bona ngekwabo batigcili tekubhubha; ngobe loko lokumehlulako umuntfu, usigcili sako.**

**2 YaPhetro 3:3 Kwekucala nje yatini kutsi ngemalanga ekugcina kuyawufika baphukuti labahamba ngetinkhanuko tabo, banihleke bulima,**

**1 YaJohane 2:15-17 Ningalitsandzi live netintfo letiseveni. Nangabe umuntfu atsandza live, lutsandvo IwaBabe alukho kuye. 16 Ngobe konkhe lokuseveni, kuyinkhanuko yenyama, nenkhanuko yemehlo, nekutigabatisa lokulite ngetintfo takulomhlaba. Konkhe loku akuveli kuBabe, kodvwa kwalive. 17 Live liyendlula netinkhanuko talo, kodvwa lowo lowenta intsandvo yaNkulunkulu, uyawuphila kuze kube phakadze.**

**YaJuda 1:11 Maye kubo, ngobe bahamba ngendlela yaKhayini; bagijimela ekwedukeni kwaBhalamu ngenca yemvuzo; bahlubukile njengaKhora, nabo babhubha.**

**YaJuda 1:15-19 Iyakwehlulela bonkhe bantfu, ibajezise labo labangamesabi Nkulunkulu. Iyawubajezisa ngenca yemisebenti yabo yonkhe yekwedzelela nekungamhloniphi Nkulunkulu, nangawo onkhe emavi lamabi lakhulunywe ngaye toni letingamesabi.” 16 Labantfu laba bati kukhonona nje nekusola yonkhe intfo, bahamba ngetinkhanuko tabo letimbi, bayatigabatisa, bashaya ticetse, khona kutawuphumelela bona. 17 Noko, bazalwane bami, khumbulani loko lokwashiwo yiNkhosi Jesu ngebaphostoli bakhe. 18 Batsi kini: “Ngetikhatsi tekugcina kuyawufika labahleka bulima, bantfu labangenandzaba nekukholwa, labahamba ngetinkhanuko tabo.” 19 Badala kwehlukana, ngobe babuswa tinkhanuko tabo temvelo, abanaye Moya Longcwele.**

**Sembulo 18:14 Bahwebi bayawutsi kuyo: ‘Tonkhe titselo lebewutifisa atisekho kuwe, konkhe kutamasa nebucwebecwebe bakho abusekho, futsi ngeke uphindze ubutfole!’**